

## Temp de finanziamenc per la sociazions

*L termin per portèr dant la domanes te Comun general  
de Fascia chest an l'è ai 16 de setember*

L Comun general de Fascia ge fêsc a saer a la sociazions culturêles e de delet del teritorie che ai 15 de setember va fora i termins per portèr dant la domanes sul Pian de Politica Linguistica 2020. Chest an chesta data l'è na domenia donca l termin l'è en lunesc ai 16 de setember.

Se enteressêdes, chesta realtêdes pel domanèr n finanziament per ativitêdes ordenêres o per scomenzadives da meter a jir via per l'an 2020 che les abie l'obietif de stravardèr l'identità, l lengaz e la cultura ladina. L formulèr per la

domana l'è da poder descîarièr sul sit del Comun general olache se pel aer ence outra informazions e schiarimenc opura se pel chiamèr l'ofize linguistich al numer de telefon 0462 764500 int. 4.

L'è da ge manèr l formulèr scrit ite tras mail a la direzion cultura@comungeneraldefascia.tn.it o se pel ence l portèr a man aló dai Servijes Linguistics e Culturèi del Comun general che i é a la leta dal lunesc a la jebia da les 8:30 a les 12:00 e da les 14:30 a les 16:30 e de vender da les 8:30 a les 12:00.



*Duta la sociazions pel fêr domana de finanziament al Comun general de Fascia.*